

সাতাইশতম অধ্যায়

হিজরত ও হিজরী সন

প্রসঙ্গ : বিভিন্ন মৌজেয়া প্রদর্শন- পাহাড়, জমিন ও বেহেস্তের উপর নবীজীর কর্তৃত ইসলামের ইতিহাসে হিজরত একটি গুরুত্বপূর্ণ অধ্যায়। বাহ্যিক দৃষ্টিতে কোরাইশদের প্রাধান্য লক্ষ্য করা গেলেও আল্লাহর পরিকল্পনা অনুযায়ী হ্যুর (দঃ)-এর দেশত্যাগ বা হিজরত ছিল বিশ্বব্যাপী ইসলামের প্রাধান্য বিস্তারের প্রথম সোপান। কোরাইশদের পতন প্রকৃতপক্ষে হিজরতের ঘটনা থেকেই শুরু হয়। হিজরতের সময় ২২/২৩ বছরের যুবক হ্যরত আলী (রাঃ) কে আপন বিছানায় শোয়ায়ে একদিকে সাক্ষাৎ মৃত্যুর জন্য তৈরী করা, পরক্ষণেই আবার আমানতের মালামাল ফেরত দেয়ার জিম্মাদারী প্রদান করার মধ্য দিয়ে হ্যরত আলীর দীর্ঘ হায়াতের ইঙ্গিত প্রদান করা হয়।

একশত ষেরাওকারীর চোখে ধূলা নিষ্কেপ করে নিরাপদে ঘর থেকে তাদের সামনে দিয়ে বের হয়ে যাওয়া, হ্যরত আবু বকর (রাঃ)-এর কাঁধে চড়ে ওজন শূন্য হওয়া, ছাওর গুহায় মাকড়সার জাল বুনানী, কবুতরের ডিম পাড়া, গুহার মুখে বৃক্ষের ছত্রছায়া প্রদান, গুহার ভিতরে আবু বকর (রাঃ) কে সর্পে দংশন, হ্যুর (দঃ)-এর পবিত্র থুথু মোবারক দিয়ে সর্পবিষ নিবারন, পিপাসার্ত আবু বকরের জন্য বেহেস্ত হতে পানির নহর পৃথিবীতে আনয়ন, শক্রদের আক্রমণ থেকে রক্ষার জন্য কুদরতি গোপন রাস্তা তৈরী এবং সাগরকূলে কুদরতি নৌকা প্রস্তুত থাকা, পশ্চাদধাবনকারী সুরাকা ইবনে মালেকের ঘোড়ার পা সাতবার জমিনে ঢুকে যাওয়া ও জমিন কর্তৃক গ্রাস করানোর ক্ষমতা নবী করিম (দঃ) কে প্রদান করা-ইত্যাদি মৌজেয়া প্রদর্শন নবীপ্রেমিক ইমানদারদের জন্য এক শিক্ষামূলক বিষয়। পাঠকদের পিপাসা নিবারনের লক্ষ্যে এক এক করে নিম্নে বিস্তারিত বর্ণনা করা হলো।

হিজরতের পটভূমিকা :

মিরাজ থেকে প্রত্যাবর্তন করার পর নবী করিম (দঃ)-এর উপর কোরাইশদের অত্যাচার আর এক মাত্রা বৃদ্ধি পেল। এ বছরই (দ্বাদশ বর্ষ) হজু উপলক্ষে আরবের বিভিন্ন অঞ্চল থেকে লোকেরা হজু আগমন করলো। ইয়াছরিব (মদিনা) থেকে ৭০ জন পুরুষ এবং ২ জন মহিলা মোট ৭২ জনের একটি

কাফেলা হজ্জে আগমন করলো। এর পূর্বেও একাদশ বর্ষে ১২ জন ১০ম বর্ষে ৬ জন করে দুটি দল বিগত দু'বৎসরে হজ্জ মৌসুমে এসে ইসলাম গ্রহণ করে মদিনায় ফিরে গিয়েছিলেন।

এবারের (দ্বাদশ বর্ষ) ৭২ জনের তৃতীয় দলটি মিনাতে রাতের অন্ধকারে অতি গোপনে নবী করিম (দঃ)-এর হাতে ইসলাম গ্রহণ করলেন এবং নবী করিম (দঃ) কে মদিনায় চলে যেতে আমন্ত্রণ জানালেন। জান-মাল দিয়ে তাঁরা নবী করিম (দঃ) ও মোহাজির মোসলিমানদেরকে রক্ষা করার অঙ্গীকার ব্যক্ত করলেন। নবুয়তের দ্বাদশ বর্ষের জিলহজ্জ মাসের প্রারম্ভে এ চুক্তি হয়। এই বায়আতকে বাইয়াতে আকাবা বলা হয়। রাজনৈতিক দৃষ্টিকোণ থেকে এর গুরুত্ব ছিল অপরিসীম। কেননা, এই বায়আতের মাধ্যমেই নবী করিম (দঃ) এবং মকার সাহাবাগণের জন্য বিদেশভূমিতে বিকল্প বাসস্থান ও রাষ্ট্র নির্ধারিত হলো। নবী করিম (দঃ) সাহাবাগণকে মদিনায় হিজরত করার নির্দেশ দিলেন। সাহাবাগণ পরবর্তী ২ মাসে একা ও দলে দলে মদিনায় গমন করতে লাগলেন।

মদিনায় ইসলামের প্রসার দেখে আবু জাহল প্রমুখ কোরেশগন তেলে-বেগুনে জুলে উঠলো। নবী করিম (দঃ) জিলহজ্জ চাঁদের শেষ তারিখে হ্যরত আবু বকর (রাঃ) কে ডেকে ইঙ্গিতে বললেন- “হে আবু বকর, তুমি হিজরতের জন্য প্রস্তুত থাকবে। যেকোন মুহূর্তে আগ্নাহৰ পক্ষ হতে মকাবুমি ত্যাগ করার নির্দেশ আসতে পারে। আবু বকর সিদ্ধিক (রাঃ) খুশীতে বলে উঠলেন- ইয়া রাসুলাল্লাহ, আমি কি আপনার সঙ্গী হবো? নবী করিম (দঃ) বললেন, “তুমি আমার জীবনের সাথী, হিজরতের সাথী, কবরের সাথী, হাশরের সাথী এবং বেহেন্টেরও সাথী। আমি প্রথম, তুমি দ্বিতীয়।” এটাই হ্যুরের ইলমে গায়ের আতায়ীর প্রমাণ। হ্যুর (দঃ)-এর একথা অক্ষরে অক্ষরে সত্যে পরিণত হয়েছে এবং হবে।

এই গোপন ইঙ্গিত পেয়ে হ্যরত আবু বকর (রাঃ) পরদিন পহেলা মহররম তারিখে ওকাজ বাজার থেকে আটশত দেরহাম দিয়ে দুটি উট ক্রয় করে নবী করিম (দঃ)-এর খেদমতে পেশ করলেন। একটির নাম রাখা হলো কাসওয়া এবং অপরটির নাম রাখা হলো আদ্বা। হাশরের দিনে নবী করিম (দঃ) কাসওয়ায় আরোহন করে হাশরের ময়দানে যাবেন এবং আদ্বায় আরোহন করে বিবি ফাতেমা (রাঃ) হাশরের ময়দানে উঠবেন (কৃত্তল ব্যান)।

নূরনবী (দঃ)

প্রিয় নবীর দরবারে যে দান কবুল হয়- তাই শ্রেষ্ঠ দান। নবী করিম (দঃ) উক্ত কাস্ওয়া নামক উটে জীবন্দশায় আরোহন করতেন। হ্যুরের ইন্তিকালের পর উক্ত কাস্ওয়া শোকে অল্পদিনের মধ্যেই একটি কুয়ায় ঝাপ দিয়ে ইন্তিকাল করে। দ্বিতীয় উট আদ্বা হ্যরত ওমরের খিলাফতকালে ইন্তিকাল করে। হ্যুর পাক (দঃ)-এর ব্যবহৃত যাবতীয় বস্ত্র বিশদ তালিকা আল বেদায়া ওয়ান নেহায়া এবং মাওয়াহিব গ্রন্থে উল্লেখিত রয়েছে।

দুটি উট খরিদের মাধ্যমে হিজরতের প্রাথমিক প্রস্তুতিপর্ব শুরু হয়। সে জন্যই মুহররমের পহেলা তারিখ (হিজরতের প্রস্তুতি দিবস) থেকে হিজরী সন গণনা শুরু করা হয়। হ্যরত আবু বকর (রাঃ)-এর অবদানের স্বীকৃতি স্বরূপ একুপ করা হয়েছে। সুতরাং যতদিন হিজরী সন থাকবে- ততদিন হ্যরত আবু বকরের স্মৃতিও আটুট থাকবে।

মুহররম ও সফর মাসে কোরাইশ সর্দারগণ মুসলমানদের ব্যাপক হারে মদিনায় যেতে দেখে নানা চিন্তা-ভাবনা করে অবশেষে সফর মাসের শেষ শনিবারে দারুন নাদওয়া নামক মিলনায়তনে এক পরামর্শ সভা আহবান করে। কোরাইশদের বিভিন্ন গোত্র ছাড়াও অন্যান্য গোত্রের সর্দারগণ উক্ত মিলনায়তনে বা পরামর্শগৃহে একত্রিত হলো। নবী করিম (দঃ)-এর এই ইসলামী মিশনের বিরুদ্ধে কি ব্যবস্থা নেয়া যায়, সে সম্পর্কে তিনটি প্রস্তাব উৎপাদিত হলো। একটি হলো- হ্যুর (দঃ) কে আটক করে রাখা। দ্বিতীয় প্রস্তাব হলো- দেশ থেকে বহিকার করা এবং তৃতীয় প্রস্তাব হলো- জীবনে শেষ করে দেয়া। এমন সময় শয়তান নজদ দেশের এক বৃক্ষের সুরত ধারণ করে উক্ত সভায় হাফির হলো। একারণে শয়তানের এক উপাধি হয় শেখে নজদী।

নজদ দেশ থেকেই পর্বতীকালে মোহাম্মদ ইবনে আবদুল ওহাব নজদী ওহাবী মান্দোলন শুরু করে। পর্বতীকালে তার বংশধরগণ ইংরেজদের সাথে আঁতাত করে ১৯২৪ইং সালে মক্কা ও মদিনাসহ গোটা আরবে ওহাবী রাজতন্ত্র প্রতিষ্ঠা করে। বর্তমান শাসকগণ ওহাবী শাসক। তারা আরবের সমস্ত ধর্মীয় স্মৃতি ও মায়ার ধ্বংস করে ফেলেছে। বিবি খাদিজার মায়ার, বিবি ফাতিমার মায়ার ও ইমাম হাসানের মায়ারসহ জাম্মাতুল বাকী ও জাম্মাতুল মায়াল্লার সমস্ত মায়ার ও গম্বুজ নিশ্চিহ্ন করে ফেলেছে। এরা সারা পৃথিবীতে ওহাবী মতবাদ চালু করার লক্ষ্যে ‘রাবেতা আলমে ইসলাম’ নামে একটি প্রতিষ্ঠানের মাধ্যমে বিভিন্ন মুসলিম দেশে ইবনেসিনা, ইবনে তাইমিয়া, কিং খালেদ, বাদশাহ ফয়সল- ইত্যাদি

প্রতিষ্ঠান গড়ে তুলছে এবং এগুলোর মাধ্যমে মানুষকে ওহাবী মতবাদে দিক্ষিণ করছে। যেসব সংগঠন ওহাবী ও মউদুদী মতবাদ প্রচার করে, উক্ত প্রতিষ্ঠান তাদেরকে প্রচুর আর্থিক সাহায্য দিয়ে থাকে। নবী করিম (দঃ) চৌদশত বৎসর পূর্বেই এই শয়তানী ওহাবী ফিৎনার ইঙ্গিত দিয়ে গেছেন। আল্লামা ইবনে আবেদীন তাঁর ফতোয়া শামী এন্টে ওহাবী ফিৎনার বিশদ আলোচনা করেছেন।।

নবী করিম (দঃ)-এর খেদমতে জ্বেল সাহাবী ঐ শনিবার সম্পর্কে জিজ্ঞাস করলে নবী করিম (দঃ) এরশাদ করলেন :

- يَوْمٌ مُّكْرِرٌ وَخَدِيْعَةٌ إِنْ قَرِيشًا أَرَادُوا أَنْ يُمْكِرُوا فِيهِ -

অর্থ-“শনিবার হচ্ছে মুক্তির ও ধোকাবাজীর দিন। এই দিনে কুরাইশগণ (আমার বিরুদ্ধে) ষড়যন্ত্রমূলক পরিকল্পনা তৈরী করেছে”। (নিহায়া)।

যাক, শয়তান শেখে নজদীর সুরতে সভায় হাধির হয়ে আবু জাহলকে লক্ষ্য করে বললো-“আবুজাহল কর্তৃক শেষ প্রস্তাব= অর্থাৎ নবীকে জীবনে শেষ করে দেয়াই মঙ্গলজনক এবং বুদ্ধিমানের কাজ হবে। তবে প্রত্যেক গোত্রকেই একাজে অংশ নিতে হবে”। আবু জাহল সহ উপস্থিত সবাই শেখে নজদীর পরামর্শ মোতাবেক ঐ রাত্রেই নবী করিম (দঃ)-এর গৃহে অভিযান পরিচালনা করার প্রস্তাব পাশ করে সভা ভঙ্গ করলো। কোরআন মজিদের সুরা আনফালে তাদের এই কু-পরামর্শের কথা এভাবে উল্লেখিত হয়েছে :

وَإِذْ يَسْكُرُ بَكْ الَّذِينَ كَفَرُوا لِيُثْبِتُوكَ أَوْ يَقْتُلُوكَ أَوْ يُخْرِجُوكَ وَيُمْكِرُونَ
وَيَسْكُرُ اللَّهُ وَاللَّهُ خَيْرُ النَّاكِرِينَ -

অর্থ-“হে রাসুল! ঐ সময়ের কথা স্মরণ করুন, যখন কাফেররা আপনার ব্যাপারে এই দূরভিসন্ধি এঁটেছিল যে, হয় আপনাকে বন্দী করে রাখা হবে, অথবা শহীদ করা হবে অথবা দেশান্তর করে দেয়া হবে। তারা একদিকে দূরভিসন্ধি আঁটেছিল, অপর দিকে আল্লাহ তায়ালা কৌশলপূর্ণ পরিকল্পনা করছিলেন। আল্লাহই (দূরভিসন্ধির বিরুদ্ধে) উন্নত পরিকল্পনাকারী”। (আনফাল)।

দারুন নাদওয়া আজও কাফেরদের দূরভিসন্ধির এসেবলী ও শয়তানের আস্তানার প্রতীকরণে চিহ্নিত হয়ে আছে। লাখনো শহরে ওহাবীদের নাদওয়াতুল উলামা নামক মাদরাসাটি আবুজাহেলের দারুন নাদওয়ার কথা স্মরণ করিয়ে দেয়।

দারুণ নাদওয়ার সভা ভঙ্গ হওয়ার পরপরই হযরত জিত্রাইল (আঃ) নবী করিম (দঃ)-এর খেদমতে কোরাইশদের দূরভিসন্ধি ও পরিকল্পনার সংবাদ দিলেন এবং বললেন- আজ আপনি নিজ বিছানায় শুবেন না- অর্থাৎ হিজরত করুন।

নবী করিম (দঃ) হযরত আলীকে ডেকে এনে নিজের বিছানায় শুয়ে পড়তে বললেন এবং নিজের চাদরখানা গায়ে চড়িয়ে দিলেন। হযরত আলী নির্ঘাত মৃত্যু জেনেও বিনাদ্বিধায় হ্যুর (দঃ)-এর বিছানায় শুয়ে পড়লেন এবং গায়ের উপর চাদর টেনে দিলেন। পরক্ষণেই নবী করিম (দঃ) বললেন-আমার কাছে মানুষের গচ্ছিত আমানতের মাল তিনদিনের মধ্যে ফেরত দিয়ে তুমি মদিনাতে চলে যাবে। আমি এক্ষণই বের হয়ে যাচ্ছি। কেননা কোরাইশদের একশজন, মতান্তরে সওরজন যুবক নাঙ্গা তলোয়ার নিয়ে আমার ঘর ঘেরাও করে রেখেছে- নিদ্রা যাওয়া মাত্র তারা ঘরে চুকে আমাকে শহীদ করে ফেলার ফন্দি এঁটেছে। হযরত আলী (রাঃ) একদিকে মৃত্যুর জন্য প্রস্তুত- অপরদিকে নবী করিম (দঃ)-এর ইঙ্গিতে বুঝে নিলেন, আপাততঃ আজ তিনি শহীদ হবেন না। কেননা আমানতের মাল ফেরত দেয়ার মধ্যে তিনদিনের জন্য তাঁর বেঁচে থাকার ইঙ্গিত প্রচলন ছিল। নবী করিম (দঃ) এবার এরশাদ করলেনঃ

يَا عَلِيُّ إِنَّكَ لَنْ تَمُوتَ حَتَّىٰ إِحْمَرَتْ لِحَيْتِكَ الْبِيَاضُ بِالدَّمِ (الْبِدَائِيَّةُ وَالْبِنَاهِيَّةُ)

“হে আলী, তুমি সাধারণভাবে মৃত্যুবরন করবেন- যে পর্যন্ত না তোমার সাদা দাঁড়ি রক্ষে রাখিত হয়ে যাবে” (বেদায়া)।

দেখা গেছে- হযরত আলী ৬৩ বৎসর বয়সে আবদুর রহমান ইবনে মুলজিম নামক এক খারেজী মুসলমানের (?) হাতে কুফার জামে মসজিদে ফজরের নামাযে গমনের পথে শহীদ হন। হযরত আলী যে বৃন্দ হয়ে শহীদ হবেন- এ সংবাদ নবী করিম (দঃ) আল্লাহ প্রদত্ত এলমে গায়েবের মাধ্যমেই দিয়েছিলেন। কে কখন মারা যাবে-নবী করিম (দঃ) পূর্বেই তা বলে গেছেন। আল্লাহ প্রদত্ত এলমে গায়েব অস্বীকারকারীদের এ ঘটনা থেকে শিক্ষা গ্রহণ করা উচিত। কিন্তু তারা তাদের ওহাবী মুরুবীদের কথার উপরই অটুট। তারা বলেছে-নবীজী গায়েব জানেন না। অথচ ইলমে গায়েব জানা নবুয়তের জন্য শর্ত।

গৃহত্যাগ ও ছাওর পর্বত গুহায় আশ্রয় গ্রহণঃ

এবার হযরত আবু বকর সিদ্দিকের (রাঃ) ঈমানের পরীক্ষা শুরু হলো। নবী করিম (দঃ) হযরত আলীকে বিছানায় শোয়ায়ে এক মুষ্টি ধূলা হাতে নিয়ে সুরায়ে ইয়াসিনের “ওয়া জাআলনা” পূর্ণ আয়াতটি তিলাওয়াত করে তাতে ফুঁক দিয়ে

নূরনবী (দঃ)

শক্রদের উদ্দেশ্যে ঘর থেকে নিষ্কেপ করলেন। আল্লাহ তায়ালা প্রত্যেকটি শক্রের মাথায় ও চোখে সে ধূলা পৌছিয়ে দিলেন। তারা চক্ষু রগড়াতে লাগলো। এ সুযোগে নবী করিম (দঃ) তাদের সামনে দিয়েই বের হয়ে গেলেন- অথচ তাদের কেউ নবী করিম (দঃ) কে দেখতে পেলোন। আল্লাহ রাখে তো-মারে কে? নবীজীর কাজে স্বয়ং আল্লাহ শরীক হয়ে গেলেন।

নিজ ঘর থেকে বের হয়ে নবী করিম (দঃ) সোজা হ্যরত আবু বকর (রাঃ)-এর বাড়ীতে গিয়ে দরজার কড়া নাড়লেন। সঙ্গে সঙ্গে 'লাববাইকা ওয়া ছাদাইকা'- বলে হ্যরত আবু বকর সিদ্দিক (রাঃ) দরজা খুলে দিলেন। নবী করিম (দঃ) বললেন, তুমি কি নিদ্রা যাওনি হে আবু বকর? হ্যরত আবু বকর সিদ্দিক (রাঃ) আরঘ করলেন-

“ইয়া রাসুলাল্লাহ! যেদিন আপনি আমাকে প্রস্তুত থাকতে ইঙ্গিত করেছিলেন- সেদিন থেকেই প্রতিরাত্রে আমি আপনার অঙ্গেজারে দরজায় দণ্ডায়মান ছিলাম। একদিনের জন্যও আমি রাত্রিতে বিছানায় পিঠ লাগাইনি”।

অন্তরে মহবতের আগুন একবার জুলে উঠলে এমনিভাবেই চোখের ঘুম হারাম হয়ে যায়। অঙ্ককারে প্রয়োজনীয় টাকা পয়সা ও আসবাবপত্র তৈরী করে হ্যরত আবু বকর (রাঃ)-এর দুই মেয়ে-হ্যরত আসমা ও হ্যরত আয়েশা (রাঃ) ঐগুলি বেঁধে দিচ্ছিলেন। হ্যরত আসমা (রাঃ) নিজের দোপাটা ছিঁড়ে এক অংশ দিয়ে বোৰা বেঁধে দিলেন। তাঁর এই ত্যাগে মুক্ত হয়ে নবী করিম (দঃ) তাঁকে ‘জাতুন নাতাকাইন’ বা দুই দোপাটার অধিকারিনী উপাধীতে ভূষিত করলেন। হ্যরত আয়েশা (রাঃ) পরবর্তী সময়ে “সিদ্দিকা” উপাধীতে ভূষিতা হয়েছিলেন- যখন তাঁর পুরিত্রি চরিত্রের আয়াত নায়িল হয়েছিল। একই ঘরে পিতা হলেন সিদ্দিকে আকবর, এক মেয়ে হলেন সিদ্দিকা এবং অন্য মেয়ে আসমা (রাঃ) হলেন জাতুন নাতাকাইন।

হ্যরত আবু বকরের (রাঃ) বংশের চার পুরুষ সাহাবী ছিলেন। এই গৌরব অন্য কোন সাহাবীর নসিব হয়নি। হ্যরত আবু বকর (রাঃ), তাঁর পিতা-মাতা, ছেলে-মেয়ে এবং জামাই যোবাইর ও নাতী আবদুল্লাহ ইবনে যুবাইর- সকলেই সাহাবী হওয়ার গৌরব অর্জন করেছিলেন। ‘সাহাবী ইবনে সাহাবী ইবনে সাহাবী ইবনে সাহাবী’- অর্থাৎ আবদুল্লাহ ইবনে আস্মা বিন্তে আবুবকর ইবনে আবু কোহফা (রাঃ)- সকলেই সাহাবী ছিলেন। এই দুর্লভ সৌভাগ্য হ্যরত ইবাহীম

(আঃ)-এর বংশের কথা স্মরণ করিয়ে দেয়। নবী করিম (দঃ) যখনই হ্যরত ইউসুফ (আঃ)-এর কথা উল্লেখ করতেন, তখনই বলতেন- ইউসুফ নবীউন, ইবনু নাবীয়িয়ন, ইবনে নাবীয়িয়ন, ইবনে নাবীয়িয়ন- অর্থাৎ “ইউসুফ ইবনে ইযাকুব ইবনে ইসহাক ইবনে ইবাহীম আলাইহিমুস সালাম”।

রাত্রির ঘন অঙ্ককার ভেদ করে নবী করিম (দঃ) ও হ্যরত আবু বকর (রাঃ) মক্কা শহর ত্যাগ করে দক্ষিণে অবস্থিত ছাওর পর্বতের উদ্দেশ্যে রওনা দিলেন। নবী করিম (দঃ) পায়ের আঙুলের উপর ভর দিয়ে পথ চলছিলেন- যেন পাছে পদচিহ্ন বিশেষজ্ঞরা চিনে না ফেলে। কিছুদূর যাওয়ার পর কদম মোবারক পাথরের আঘাতে ক্ষত বিক্ষিত হয়ে রক্ত ঝরে পড়তে লাগলো। এ অবস্থা দেখে হ্যরত আবু বকর (রাঃ) নবী করিম (দঃ)কে নিজ কাঁধে তুলে নিলেন। কিন্তু তিনি কোন ওজন অনুভব করলেন না। নবী করিম (দঃ) একটু মুচকি হাসি দিয়ে বললেন, “আবু বকর! নূরের কোন ওজন হয়না”। সুব্হানাল্লাহ!

ছাওর পর্বতের চূড়ায় পৌঁছে হ্যরত আবু বকর সিদ্দিক (রাঃ) নিজে প্রথমে একটি গুহায় নামলেন। গুহা পরিষ্কার করে চারিদিকের ছিদ্র কাপড় ছিড়ে বন্ধ করলেন। একটি ছিদ্র বন্ধ করার মত কিছু ছিলনা। তিনি নিজ পা দিয়ে সে ছিদ্রটি বন্ধ করলেন। নবী করিম (দঃ) তাঁর কোলে মাথা মোবারক রেখে শয়ে পড়লেন এবং চোখ মোবারক বন্ধ করে আবু বকরকে যিক্রে খফীর তাওয়াজ্জুহ দিতে লাগলেন। “আল-হাদিকাতুন নাদিয়া ফিত্ তারিকাতিন নক্ষবন্দিয়া” নামক আরবী গ্রন্থে উল্লেখ আছে-

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَا صَبَّ اللَّهُ شَيْءًا فِي صَدْرِي
إِلَّا صَبَبْتُهُ فِي صَدْرِ أَبِي بَكْرٍ -

অর্থ-“আমার অন্তরে আল্লাহ যে বাতেনী নেয়ামত ঢেলে দিয়েছেন- আমি তা আবু বকরের অন্তরে ঢেলে দিলাম”। সে কারণেই তাঁর থেকে দুটি মশহুর তরিকা বের হয়েছে। একটি হচ্ছে তরিকায়ে নকশবন্দীয়া- অন্যটি তরিকায়ে মোজান্দেদীয়া। অপরদিকে হ্যরত আলী (রাঃ) নবীজীর চাঁদর গায়ে দিয়ে নবীজীর বিছানায় শয়ে মৃত্যু পরীক্ষায় উত্তীর্ণ হয়েছিলেন। সেজন্যে তিনিও নবী করিম (দঃ)-এর ইলমে মারেফাতের প্রধান নেয়ামত লাভ করেছিলেন এবং তাঁর থেকেও দুটি প্রধান তরিকা- কাদেরিয়া ও চিশতিয়া বের হয়েছে। তাঁর শানে

نَبِيٌّ كَرِيمٌ (দঃ) এরশাদ করেছেন - أَنَا مَدْيِنَةُ الْعِلْمِ وَعَلَيْيِّ بَابُهَا -

অর্থ-“আমি হচ্ছি যাবতীয় ইলমের শহর, আবু আলী হলো সেই শহরের প্রধান দরজা”। (মিশকাত)

“সেজন্যেই হ্যরত আলীর (রাঃ) মাঝেফাত বিদ্যা প্রাধান্য পেয়েছে। তবে হ্যরত আবু বকর (রাঃ)-এর ইলমে বাতেনকেও অস্বীকার করা যাবে না। যেমন শিয়া সম্প্রদায় এককভাবে হ্যরত আলী (রাঃ) কে ইলমে বাতেনের একমাত্র দরজা বলে আকিদা পোষণ করে থাকে। এটা গলদ। আহলে সুন্নাতের কেহই হ্যরত আলী (রাঃ) কে ইলমে বাতেনের একক উৎস বলে দাবী করেনা- বরং প্রধান উৎস বলেন। কেউ একক উৎস বা দরজা দাবী করলে সেও শিয়া সম্প্রদায়ভুক্ত হবে এবং হাদীসের ভুল ব্যাখ্যা করা হবে। বেদায়া ও নেহায়া গ্রন্থে উক্ত হাদীসের (র্হব্র) শব্দটির ব্যাখ্যা করা হয়েছে “বিশেষ ও প্রধান দরজা হিসেবে”- একক হিসেবে নয়। কেননা, তাহলে অন্য সাহাবীদের এলমে বাতেনকে অস্বীকার করা হয়। এটা আহলে সুন্নাতের আকিদার পরিপন্থী ও বাস্তবের বিপরীত। (মিরকাত এবং মিশকাত হাশিয়া)

যা হোক- হ্যরত আবু বকর (রাঃ) নবী করিম (দঃ) কে নিয়ে গুহায় প্রবেশ করার সাথে সাথে ‘উম্মে গায়লান’ নামক এক লতা বৃক্ষ অন্যস্থান থেকে এসে গুহার মুখ টেকে ফেললো। মাকড়সা এসে জাল বুনলো এবং এক জোড়া কবুতর এসে বাসা বাঁধলো- ডিম পাড়ল। হ্যরত আবু বকর (রাঃ) যে ছিদ্রে পা রেখেছিলেন, তার ভিতরে ছিল একটি সাপ। এই সাপটি এক হাজার বছর ধরে নবীজীর দীদারের আশায় এই গুহায় অবস্থান করছিল। সাপটি ছিল আশেকে রাসুল! সাপটি তিনবার ফেঁস ফেঁস করে হ্যরত আবুবকর (রাঃ) কে পা সরিয়ে নিতে হুশিয়ারী দিচ্ছিল। অবশেষে সাপটি হ্যরত আবু বকরের পায়ে দংশন করলো। সপ্রবিষ সমস্ত শরীরে ছড়িয়ে পড়লো। এমতাবস্থায়ও তিনি নড়াচড়া করলেন না- নবী করিম (দঃ)-এর আরামের ব্যাঘাত হবে মনে করে। হঠাৎ করে তাঁর দুফোটা তপ্তঅশ্রু নবী করিম (দঃ)-এর পবিত্র চেহারায় ঝড়ে পড়লো। অমনি নবী করিম (দঃ)-এর ধ্যান ভঙ্গ হলো। জিঞ্জেস করলেন- আবু বকর! কি হয়েছে? আবু বকর বললেন, সাপে দংশন করেছে। নবী করিম (দঃ) একটু থুথু মোবারক দংশিত স্থানে মালিশ করে দিলেন। সাথে সাথে বিষের ক্রিয়া বন্ধ হয়ে গেলো। আশেকের বিচার করা কি সম্ভব? সাড়ে বার বৎসর পর যখন হ্যরত

আবু বকর (রাঃ)-এর ইনতিকালের অসুখ দেখা দিল, তখন সাপের পুরানো বিষ পুনরায় ক্রিয়াশীল হলো। এভাবে তিনি শাহাদাতের মর্যাদা লাভ করলেন। আল্লামা আবদুল গনি নাবলুসী (রঃ) ‘হাদিকা’ গ্রন্থে উল্লেখ করেছেন যে, আবু বকরের মৃত্যু সাওর গুহায় অবধারিত ছিল, নবী করিম (দঃ) তাকে সাড়ে বার বৎসর পিছিয়ে দিলেন। এটা নবী করিম (দঃ)-এর বিশেষ মৌজেয়া ও ইখতিয়ার। শিফা শরীফে কাষী আয়ায (রহঃ) উল্লেখ করেছেন- “আল্লাহ পাক নবী করিম (দঃ) কে মউতের উপর নিয়ন্ত্রণ ক্ষমতা প্রদান করেছিলেন”। আমরা মউতের নিয়ন্ত্রণাধীন, কিন্তু মউত হচ্ছে নবী করিম (দঃ)-এর ইখতিয়ারাধীন। “পাহাড়-পর্বত, আসমান-জমিন, বেহেস্ত-দোয়খ, চন্দ্র-সূর্যকে নবী করিম (দঃ)-এর নিয়ন্ত্রণাধীন করে রেখেছেন স্বয়ং আল্লাহ তায়ালা”।

إِنَّ اللَّهَ جَعَلَ الشَّمْسَ وَالْقَمَرَ وَالنُّسْمَاءَ وَالْأَرْضَ وَالْجِبَالَ مُطِيقًا لِلنَّبِيِّ

صَلَّى اللَّهُ عَلَيْهِ وَسَلَّمَ (شِفَاءُ قَاضِي عَيَّاضِ)

অর্থ-“আল্লাহ তায়ালা সূর্য, চন্দ্র, আসমান, জমীন, পাহাড়-পর্বত নবী করিম (দঃ)-এর অধীন ও অনুগত করে দিয়েছেন”। (শিফা কাষী আয়ায)

এদিকে নবী করিম (দঃ)-এর ঘরে চুকে কোরাইশ যুবকরা বিছানায় হ্যরত আলী (রাঃ) কে শায়িত দেখে নবী করিম (দঃ) কোথায় গিয়েছেন- তা জিজেস করলো। হ্যরত আলী (রাঃ) নির্ভিকভাবে উত্তর দিলেন- কোথায় গিয়েছেন, তা জানিনা। তবে ঘর থেকে বের হয়ে গেছেন। কোরাইশরা চতুর্দিকে অনুসন্ধানের জন্য লোক পাঠালো। উমাইয়া ইবনে খালফ একদল যুবক ও পদরেখা বিশেষজ্ঞ নিয়ে পদচিহ্ন ধরে সাওর পর্বতে এসে উপস্থিত হলো। এখানে এসে পদচিহ্ন মুছে গেছে। সবাই অনুমান করলো নিশ্চয়ই এই গুহাতেই নবী করিম (দঃ) আশ্রয় নিয়েছেন। উমাইয়া ইবনে খালফ বললো- গুহার মুখে লতা, মাকড়সার জাল আর কবুতরের বাসা দেখা যাচ্ছে। এখানে প্রবেশ করলে তো এসব থাকার কথা নয়। এ বলে সে দলবলসহ অন্যদিকে ছুটে গেল। এভাবে আল্লাহ তায়ালা আপন হাবীবকে রক্ষা করলেন।

এসময়ে হ্যরত আবু বকর (রাঃ) নবীজীর জীবনের আশংকায় সন্তুষ্ট হয়ে পড়েছিলেন। হ্যুর পুরনূর (দঃ) অটল ও শান্তস্বরে জবাব দিলেন “চিন্তাপ্রস্তু হয়েনা- আল্লাহ আমাদের সাথে আছেন” (সুরা তওবা)

[তাফসীরে নঙ্গমীতে এ আয়াতের ব্যাখ্যায় বলা হয়েছে যে, ‘আল্লাহ আমাদের সাথে আছেন’— বাক্যটি খুবই তৎপর্যপূর্ণ। কেননা, এই বাক্যটিতে কোন কাল বা সময়ের উল্লেখ নেই। এটি জুম্লায়ে ইচ্ছিয়া। সর্বকাল অর্থে এটি ব্যবহৃত হয়। সুতরাং আল্লাহ সব সময়ই তাঁর রাসুল ও হযরত আবু বকরের সাথে আছেন এবং থাকবেন। (তাফসীরে নঙ্গমী)]

সাওর গুহায় আরও দুটি মো'জেয়া

১) শক্ররা চলে যাওয়ার পর হযরত আবু বকর (রাঃ) আরয় করলেন, ইয়া
রাসুলাল্লাহ! যদি তারা তাদের পায়ের গৌড়ালীর দিকে নজর করতো, তা হলে
তো আমাদেরকে দেখতে পেতো এবং ধরে ফেলতো। নবী করিম (দঃ)
বললেন- *لَوْجَاؤْنَا مِنْ هُنَّا لَذَهَبْنَا إِلَيْنَا هُنَّا*

অর্থ- “তারা এখান দিয়ে আসলে আমরা ওখান দিয়ে চলে যেতাম”। একথা
বলেই গুহার একদিকে ইশারা করলেন। হযরত আবু বকর (রাঃ) সেখানে গিয়ে
দেখেন- বিরাট এক সমুদ্র দেখা যাচ্ছে। তার তীরে একটি সাজান নৌকা বাঁধা
আছে। এই মো'জেয়া দেখে হযরত আবু বকর (রাঃ) হতবাক হয়ে গেলেন।
(বর্ণনা অনেক বিরাট)

২) আর একটি আশ্চর্য মো'জেয়া তিনি প্রত্যক্ষ করলেন। সাপের বিষে তাঁর
পানির পিপাসা, লাগলো। নবী করিম (দঃ)-এর কাছে পানির দরখাস্ত পেশ
করলেন। নবী করিম (দঃ) গুহার ভিতরে এক দিকে ইশারা করে বললেন-
ওখানে গিয়ে পানি পান করে এস। হযরত আবু বকর (রাঃ) গিয়ে দেখলেন-
একটি পানির নহর প্রবাহিত হচ্ছে। তিনি প্রাণভরে পানি পান করলেন- যা ছিল
মধুর চেয়ে মিষ্ট, দুধের চেয়ে সাদা এবং বরফের চেয়েও ঠাভা। কোথা হতে এ
নহর প্রবাহিত হলো- জিজ্ঞাসা করলে নবী করিম (দঃ) এরশাদ করলেন-

*إِنَّ اللَّهَ أَمْرَ الْمُلْكَ إِلَّا مَنْ كُلَّ بِأَنْهَارِ الْجَنَّةِ إِنَّ يَعْرِقُ نَهْرًا مِنْ جَنَّتٍ
الْفَرْدُوسِ إِلَى صَدْرِ الْغَارِ لِتَشْرِبَ يَا أَبَا بَكْرٍ*

অর্থ-“আল্লাহ তায়ালা বেহেল্তের নহরের দায়িত্বে নিয়োজিত ফেরেন্টাকে নির্দেশ
করেছেন- যেন জান্নাতুল ফেরদাউস থেকে একটি নহর গুহার মাধ্যম প্রবাহিত
করে দেয়। হে আবু বকর! তোমাকে পানি পান করানোর উদ্দেশ্যেই এক্সপ করা
হয়েছে”। (তাফসীরে কুতুব বয়ান-সুরা তওবা)

নূরনবী (দঃ)

উক্ত ঘটনা দুটি শুনে ঈমানদারের ঈমান আরও চাঙ্গা হয়ে উঠবে এবং বক্রহৃদয়ের লোকদের হৃদয় আরও বাঁকা হবে-এতে আশ্চর্য হবার কিছুই নেই। ইবনে কাছির তাঁর তাফসীরে এই ঘটনা ও রেওয়ায়াতকে মোন্কার বলেননি। তরিকতে সিদ্দিকিয়াতের মরতবাধারীগণের জন্য নবী করিম (দঃ)-এর মাধ্যমে গায়েবী নেয়ামত এভাবেই পৌছে থাকে। আল্লা হ্যরত (রাঃ) বলেনঃ

خالق کل نے آپ کو مالک کی بنادیا

دونوں جہان میں آپکے قبضہ واختیار میں۔

“কুল জাহানের সৃষ্টিকর্তা আপনাকে সব কিছুর মালিকানাহৰ্তু দান করেছেন। সত্ত্বিই উভয় জাহানই আপনার ইখতেয়ারাধীন”। আপনি যাকে যেভাবে ইচ্ছাদান করতে পারেন। তাফসীরে রূহুল মাআনী সূরা মায়েদার ১৫নং আয়াত “কুদ জাআকুম”- আয়াতের ব্যাখ্যায় বলেছেন- “নবী করিম (দঃ) হলেন মোখতার বা ইখতিয়ার প্রাপ্ত নবী”। যারা নবীজীকে মুখতার মানবেনা তারা পথব্রহ্ম।

এ মদিনার পথে রে আমার-এ মদিনার পথে

তিনি রাত্রি এভাবে সওর পর্বতের গুহায় অবস্থান করে নবী করিম (দঃ) হ্যরত আবু বকর (রাঃ) কে সাথে নিয়ে মদিনা শরীফের পথে রওনা হলেন। পূর্ব পরিকল্পনা অনুযায়ী নবী করিম (দঃ) কাসওয়া নামক উটে সওয়ার হলেন। হ্যরত আবু বকর (রাঃ) আরোহন করলেন আদর্শ নামক উটে। সাথে নিলেন পথপ্রদর্শক হিসাবে আবদুল্লাহ ইবনে আরিকত নামক জনৈক অমুসলিম ব্যক্তিকে। হ্যরত আবু বকর (রাঃ)-এর আশ্রিত গোলাম আমের ইবনে ফোহায়রা পূর্ব নির্দেশ মোতাবেক দুটি উট নিয়ে গারে সাওরে এলেন এবং দ্বিতীয় উটের পিঠে পেছনে আরোহন করলেন। লোহিত সাগরের উপকূল ধরে তিনজনের এই কাফেলা মদিনার পথে চললো। বিদায়ের বেলায় নবী করিম (দঃ) বাইতুল্লাহর দিকে নয়র করে বলে উঠলেন-

وَاللّٰهِ أَنْكِ أَحَبُّ أَرْضَ اللّٰهِ إِلَيَّ وَاللّٰهُ لَوْلَا أَمْلَكَ أَخْرَجُونِيْ مِنْكِ مَا خَرَجْتُ

অর্থাৎ- “হে পবিত্র মক্কা, খোদার শপথ! তুমি আমার কাছে এবং আল্লাহর কাছে পৃথিবীর সবচেয়ে প্রিয় ভূমি। তোমার স্বদেশবাসী যদি আমাকে বাধ্য না করতো, তাহলে আমি তোমায় হেঢ়ে যেতাম না”। কত করুণ এ আবেদন!

[যতদিন নবী করিম (দঃ) মকায় অবস্থান করছিলেন- ততদিন মকা ভূমিই সর্বশ্রেষ্ঠ ছিল। হিজরত করার পর মদিনা শরীফের রওয়া মোবারকের যে অংশটুকু নবী করিম (দঃ)-এর দেহ মোবারকের সাথে মিশে আছে- তা বাইতুল্লাহ শরীফ, এমন কি-আরশে আয়ীম থেকেও উত্তম। চার মযহাবের ইমামগণ এ ব্যাপারে একমত পোষণ করেন। সুতরাং এটা সর্বসম্মত ইজমা (ফতোয়ায়ে শামী-ফিয়ারত অধ্যায়)। তিবরানী শরীফের একটি হাদীসে নবী করিম (দঃ) এরশাদ করেছেন— **الْمَدِينَةُ خَيْرٌ مِّنْ مَكَّةَ** “এখন থেকে মদিনা শরীফ মকার চেয়ে উত্তম” (জযবুল কুলুব শেখ আবদুল হক দেহলভী রহঃ)।

বকরীর শুকনো বাঁটে দুধের নহর :

মদিনা শরীফ গমনকালে পথে তিনটি আশ্চর্যজনক ঘটনা ঘটলো। সাওর পর্বত থেকে বের হয়ে নবী করিম (দঃ) সকাল বেলা সাগরকূল ধরে রওনা দিলেন। পথিমধ্যে কোদাইদ্ নামক স্থানে উম্মে মা'বাদ আতিকা **بَشِّي** জনেকা বেদুইন মহিলার বাড়ীতে **পৌঁছ** **বাস** করায় (দঃ) কিছুক্ষণ বিশ্রাম নিলেন। মহিলার বাড়ীতে দুধ বা গোস্ত বিক্রি হয় কিনা- তা জানতে চাইলেন। কিন্তু কিছুই পাওয়া গেলনা। নবী করিম (দঃ) তাঁরুতে একটি ক্ষীণকায় ছাগী দেখতে পেয়ে জিজ্ঞেস করলেন-এটা দুধ দেয় কিনা? মহিলা বললেন, না। নবী করিম (দঃ) উক্ত ছাগী দোহন করার ইচ্ছা প্রকাশ করলে মহিলা বললেন, চেষ্টা করে দেখতে পারেন। নবী করিম (দঃ) পাত্র নিয়ে ছাগীর দুধের বাঁটে পবিত্র হাত লাগানো মাত্র দুধের নহর বইতে শুরু করলো। উপস্থিত লোকজন তৃপ্তি সহকারে উক্ত দুধ পান করলো। অতঃপর নবী করিম (দঃ) ও হ্যরত আবু বকর (রাঃ) সহ পূর্ণ কাফেলা এ দুধ পান করে তৃপ্ত হলেন। নবী করিম (দঃ)-এর পবিত্র হাতের বরকতে পরবর্তীকালে উক্ত ছাগী সব সময় এভাবে দুধ দিতে থাকে। এভাবে আতিকা ও তার স্বামীর ঘরের অভাব দূর হয়ে গেলো। উক্ত ছাগী হ্যরত ওমর (রাঃ)-এর খিলাফতকাল পর্যন্ত জীবিত ছিল এবং একইভাবে দুধ দিত। নবী করিম (দঃ) যার কাছ থেকেই কিছু চেয়ে খেতেন, তাঁর ঘরে বরকতের ঢল নেমে আসতো। প্রকৃতপক্ষে নবী করিম (দঃ) কারও ঘরে খেতে যান না- বরং দিতে যান- এটাই প্রকৃত সত্য ঘটনা।

পথিমধ্যে আর একজন রাখালের কাছে এমনিভাবে দুধ চাইলে সে বললো, আমার পালে বাচ্চাওয়ালা কোন ছাগী নেই। নবী করিম (দঃ) বাচ্চাবিহীন একটি

ছাগী এনে দুধ দোহন করে নিজেরা পান করলেন এবং রাখালকেও দুধ পান করালেন। রাখাল এ মোজেয়া দেখে সাথে সাথে মুসলমান হয়ে গেল। সন্তুষ্টতঃ উক্ত সাহাবী ছিলেন হ্যরত আবদুল্লাহ ইবনে মাসউদ (রাঃ)। (বেদায়া-নেহায়া ৭ম খণ্ড ১৫৩ পঃ)

জমিন কর্তৃক সুরাকার ঘোড়ার পাঁচাস :

কুদাইদ নামক স্থানে আর একটি ঘটনা সবচেয়ে আশ্চর্যজনকভাবে ঘটে গেলো। সুরাকা ইবনে মালেক কেনানী নামক জনৈক ব্যক্তি একশত উট পুরস্কারের লোতে নবী করিম (দঃ)-এর তালাশে ঘোড়ায় চড়ে ঘূরতে লাগলো। আবু জাহল নবী করিম (দঃ) কে জীবিত অথবা মৃত অবস্থায় ধরে আনতে পারলে উক্ত পুরস্কার প্রদানের ঘোষণা দিয়েছিল। সুরাকা নবী করিম (দঃ) কে দেখে চিন্কার করে বলে উঠলো— হে মুহাম্মদ (দঃ), এবার তোমায় কে রক্ষা করবে? নবী করিম (দঃ) প্রশান্তভাবে উত্তর দিলেন— **يَمْنَعِنِي الْجَبَارُ الْوَاجِدُ الْقَهَّارُ**—
অর্থাৎ— “শক্তি প্রয়োগকারী ও চরম শান্তি প্রদানকারী আল্লাহ আমাকে রক্ষা করবেন”। হ্যরত জিবাইল (আঃ) এসে সংবাদ দিলেন, হে আল্লাহর রাসূল! আল্লাহ তায়ালা জমিনকে আপনার নিয়ন্ত্রণাধীন করে দিয়েছেন। আপনি জমিনকে যা ইচ্ছা— নির্দেশ করুন। নবী করিম (দঃ) জমিনকে লক্ষ্য করে বললেন : **يَا أَرْضُ خُذْ يِهِ**—

অর্থাৎ— “হে জমিন, তাকে গ্রাস করো”। সাথে সাথে জমিন সুরাকার ঘোড়ার হাঁটু পর্যন্ত গ্রাস করে ফেললো। সুরাকা কাতরস্বরে বললো, আল-আমান অর্থাৎ— আমাকে রক্ষা করুন! নবী করিম (দঃ) পুনরায় জমিনকে নির্দেশ করলেন :

يَا أَرْضُ اطْلَقْ يِهِ—

“হে জমিন, তাকে ছেড়ে দ্বাও”। জমিন তাকে ছেড়ে দিল। কিন্তু সে প্রতিশ্রুতি ভঙ্গ করে নবী করিম (দঃ) কে আবার ধরতে উদ্যত হলে পুনরায় নবী করিম (দঃ) জমিনকে নির্দেশ দিলেন তাকে গ্রাস করতে। এভাবে সাত বার জমিন তাকে গ্রাস করলো এবং ছাড়লো। এবার সে তৌবা করলো এবং অন্য অনুসন্ধানকারীকে নবী করিম (দঃ) থেকে ফিরিয়ে রাখার শর্তে মুক্তি লাভ করে মকাব ফিরে আসলো।

উক্ত তিনটি ঘটনায় দুটি আকিন্দার প্রমাণ পাওয়া যায় :

এক : নবী করিম (দঃ) কে আল্লাহ তায়ালা গায়েবী ধন ভাস্তারের মালিক বানিয়েছেন। স্রষ্টার সম্মানে নবী করিম (দঃ) উপাদান ছাড়া কোন কিছু করতেন না। কোন সামান্য বস্তু বা দ্রব্যকে উপলক্ষ করে তিনি তাতে গায়েবীভাবে প্রয়োজনীয় জিনিস সরবরাহ করতেন। যেমন হযরত জাবের (রাঃ)-এর সামান্য খাসি ও রুটি দিয়ে তিনি দেড় হাজার সাহাবীকে পেট ভর্তি করে খানা খাওয়ায়ে জাবেরের মূল বকরী ও রুটি ফেরত দিয়েছিলেন। হযরত সালমান ফারছি (রাঃ) ৪০ উকিয়া স্বর্ণমুদ্রা আদায় করার শর্তে তাঁর মনিবের সাথে মুক্তিপণ নির্ধারণ করেছিলেন। নবী করিম (দঃ) কবুতরের ডিমের ন্যায় ছোট একখন্ড স্বর্ণ সংগ্রহ করে উক্ত ৪০ উকিয়া বা ১৬০০ (ষোল শত) দীনার আদায় করে দিলেন। উক্ত সামান্য পরিমাণ স্বর্ণ ওজন করা হলে ঘোলশত স্বর্ণমুদ্রার সমান হয়ে গেলো। হযরত আবু হোরায়রা (রাঃ) কর্তৃক জঙ্গে তাবুকের সময় সংগৃহীত ২১টি খুরমা দিয়ে নবী করিম (দঃ) তাবুকের যুদ্ধে অংশগ্রহণকারী ত্রিশ হাজার লোককে খাওয়ানোর পর উক্ত ২১টি খুরমা আবু হোরায়রা (রাঃ) কে ফেরত দিয়ে বললেন- “থলের মুখ না খুলে দু-হাত দিয়ে প্রয়োজনীয় খুরমা বের করে খাবে এবং বন্ধু-বান্ধব ও ফকির-মিছকিনকে খাওয়াবে”। নবীজীর কথামত হযরত আবু হোরায়রা (রাঃ) উক্ত খুরমা ৯ হিজরী থেকে ৩৫ হিজরী পর্যন্ত নিজে খেয়েছেন এবং বন্ধু-বান্ধব ও ফকির-মিছকিনকে বিলিয়েছেন। হযরত ওসমান (রাঃ) যেদিন শহীদ হন, সেদিন উক্ত থলেটি লুট হয়ে যায়। হযরত আবু হোরায়রা (রাঃ) বলেন, আমি উক্ত ২৬ বৎসরে আনুমানিক বারশত মন খুরমা নিজে খেয়েছি এবং তিনশত মন আল্লাহর রাস্তায় ঝরচ করেছি”। এই যে খুরমা তিনি খেলেন এবং খাওয়ালেন- এগুলো কোন বৃক্ষের খেজুর? নবী করিম (দঃ)-এর পবিত্র হাতের ছোঁয়ায়ই আল্লাহ তায়ালা গায়েবীভাবে উক্ত খেজুরে বরকত দিয়েছেন। (তরজুমানুস সুন্নাহ ও যিকরে জামিল গ্রন্থের দ্রষ্টব্য)। উম্মে মাবাদ-এর ছাগী ও রাখালের ছাগ-পালের তকনো বাঁটে দুধের নহর প্রবাহিত হওয়াও অনুরূপ মৌজেয়া। নবী করিম (দঃ) এরশাদ করেছেন :

أُتْبِئْتُ مَفَاتِيحَ خَرَابِينَ الْأَرْضِ -

“আমাকে জমিনের যাবতীয় ধন ভাস্তারের চাবি প্রদান করা হয়েছে”।
(মিশকাত)

ইমামে আহলে সুন্নাত আ'লা হ্যরত আহমদ রেয়া খান বেরলভী (রহঃ) লিখেছেন-

هاتھ جس طرف اٹھا غنی کر دیا + موج بحر سخاوت پہ لا کھون سلام

অর্থ-“হ্যুর (দঃ)-এর পরিত্র হাত যে দিকেই উঠেছে- তাকে ধনী বানিয়ে দিয়েছে। বদান্যতা সমুদ্রের তরঙ্গ সদৃশ এমন হাতের প্রতি লক্ষ লক্ষ সালাম”। (হাদায়েকে বখশিষ্য) ।।

[সুরাকার ঘটনায় প্রমাণিত হয়েছে যে, আল্লাহর এই জমিন নবী করিম (দঃ)-এর নিয়ন্ত্রণাধীন। তিনি জমিনকে যথন যে ভক্তি করেন, জমিন তা পালন করে। শুধু জমিন কেন- আকাশের চাঁদ হ্যুরের ইশারায় এদিক-সেদিক হেলে দুলে তাঁর সাথে খেলাধূলা করতো এবং কথা বলতো। গ্রন্থের শুরুতে হ্যরত আব্বাস (রাঃ)-এর এ সম্পর্কীতি রেওয়ায়াত বর্ণনা করা হয়েছে। মকায় আবু জাহল কর্তৃক আকাশের চাঁদ বিদীর্ণ করার চ্যালেঞ্জের মোকাবেলায় নবী করিম (দঃ) চাঁদকে দুটুকরো করে দেখিয়েছেন। ৭ম হিজরীতে খায়বরের যুদ্ধ হতে ফেরত আসার সময় পথিমধ্যে সাহবা নামক স্থানে আকাশের ডুবন্ত সূর্যকে পুনরায় ফিরিয়ে এনে হ্যরত আলী (রাঃ) কে আসরের নামায আদায় করার সুযোগ করে দিয়েছিলেন। হ্যরত আবু হোরায়রা (রাঃ), হ্যরত আনাছ (রাঃ) ও হ্যরত আস্মা বিন্তে ওয়ায়েছ (রাঃ) কর্তৃক উক্ত ঘটনা বর্ণিত হয়েছে। সালতানাতে মোগুফা নামক গ্রন্থে মুফতী আহমদ ইয়ার খান নঙ্গীমী (রঃ) বিস্তারিতভাবে নবীজীর বিভিন্ন কর্তৃত্বের ঘটনা লিখেছেন ।।